

水雲集序

友七

東牟古牟子之國齊之大郡也戶口浩繁人
性質朴東連滄海煙浪雲濤浩渺無涯不知
其幾萬里南揖崑崙層巒巖嶂峻極于天不
知其幾千丈海山鍾秀人傑地靈異人名士
代不乏人宜乎真人仙子相繼而生也譚公
先生名處端號長真子吾鄉大族也生而穎
悟識度不凡善草隸書為人剛正有操行鄉
里敬憚之大定丁亥歲重陽憫化妙行真人
飛錫東來仙遊海上以往契風緣訪尋知友
於吾鄉得丹陽子馬公長真子譚公於東萊
掖水得長生子劉公又於登州棲霞得長春
子丘公結為方外眷屬所謂譚馬丘劉是也
相從真人之遊西抵夷門真人付以口訣囑
以後事厭世而上昇四子殯葬禮終挈徒而
西至終南山即真人之舊隱傳襲其道十有
餘年自時厥後各從所之長真先生往來於
洛川之上行化度人從其教者所至雲集其
述作賦詠舉筆即成詩頌詞章僅數百篇又
述語錄骷髏落魄歌警悟世人皆包藏妙用

教揚真風引人歸善甚有益於時也瀋州全
真菴主王疏輝等鑲板印行廣傳四方值丙
午歲大水漂沒其板散亡掖水長生先生劉
公運慈悲心開方便路遣門人徐守道李道
微于悟仙等詣吾鄉屬余為序欲垂命工發
弊以永其傳可謂仁人之用心也竊嘗謂長
真先生與余同鄉里年相若而志頗同幼為
兒童之戲長為朋友之遊而先生中年遇師
學道蟬蛻登真余蒼頰華髮尚區區於名利
之場甘分待終隨物衰謝何其愚也余將掣
肘稍老牛紙犢之愛去硯鼠畏人之貪逍遙
於自得之鄉笑傲於真閑之境學先生之道
誦先生之文高養天和以寄餘生未審先生
異日有舊遊之念肯乞飛霞佩乎嗚呼先生
已羽化矣後之學者不能見先生之步趨聞
先生之聲效其玄機妙旨遺棄餘風詳味斯
文則可矣大定丁未歲正月望日東牟州學
正范懌德裕序

水雲集卷上

崑崙山長真子譚處端述

七言律詩

題洛陽朝元宮

宮門寂寂鍊祥煙古跡靈蹤尚儼然雲草連
枝烹藥鼎霞生靈井漑丹泉日魂煉就華胥
國月魄收將不夜天紫詔師真歸去後未知
孰繼大羅仙

遊靈山寺

開闢雲水訪禪林密密琅玕映碧岑玉柱峯
高塵不染靈山寺隱境難尋媾交白雪勻鋪
玉閣隔黃花亂點金清徹古潭秋靜夜桂華
獨現本來心

遊劉公花園

衆賢邀我賞芳菲雨霽晴明獨過扉倚檻杜
丹爭秀麗繞庭蛺蝶闌高飛風吹柳眼無情
意雨洗花心絕是非萬物盡成春一氣無私
普布吐辭辭

贈新中郭四翁

幾人到得白頭翁生老病沉是始終濁穢腥

癩除毒孽怪貪嫉妬轉昏蒙有憎有愛難起
世無慾無情定脫空幸有天堂地獄路聖凡
迷悟總由公

贈雲陽程仙

修行大畏是頑銅如着頑銅沒行功心起妄
塵沉地府意常清靜步天宮須依貧樂同顏
子莫要慳貪愛鄉通學取終南師叔馬赤窮
窮地堵環中

贈鄭仙

捨俗幽居物外養潛心滅跡絕論談妙除濁
穢清貧樂用滌無明淡素甘蓬戶不為何所
礙一瓢常飲為忘貪安神寂默脩然坐認透
星光日月三

贈韓家郎君在家修行

崇真起善立玄堂謹奉朝昏兩炷香內侍嬪
親行孝道外持真正合三光常行矜憫提貧
困每施慈悲挈下殃他日聰明如省悟也應
歸去到仙鄉

贈門人安然子等

風子微言啓衆曹等閑休把氣神勞欲求海

底成多寶須鍊山頭絕一毫心逐有情傷氣
火意遊攀愛害神刀願公早悟虛華境免向
人間再一遭

贈楊姑

投玄八十道姑楊一朵瓊花秋後芳玉蕊滿
添清靜水金爐須蕤慧靈香如今已獲將來
福從此何疑過去殃寂湛虛堂無罣碍自然
寶鼎現霞光

題孔先生壇中

空門寂寂靈泉喜趣靈泉玄上玄僻靜每
招閑客至幽居常共馬風眠清涼境界趁塵
路履此方知別有天行者肯來低處見便教
瞥地見神仙

贈濟州王三校尉

王公吉善愛玄流勸我勤勤倒玉甌積善迤
於心上起靈功須向性中求利他損已通真
理忍辱慈悲速妙幽平等順和常大道三人
同上大神丹

題雲溪菴

雲溪高隱卧煙霞默飲陽晶與月華霧歛丹

壹生瑞草雲收靈腑結瓊葩青龍吐火烹金
若白虎跑泉溉玉芽龍虎媾交功九轉刀圭
一粒捧丹砂

述懷

自慕貧閑採妙機便知身入白雲飛道遠物
外超塵網脫灑懷中解始衣恐損陰功搜已
過慮傷道德法人非他時九轉丹砂就同約
三仙從我歸

又

控銳摧疆作善良頌然心法兩俱忘鼎中頻
起金剛焰爐內常燃般若香玉藥乍芳惟獨
採蟠桃初熟與先嘗莫言遐邁華胥國了了
空虛路不長

又

一條捷徑入仙源洞口靈雲覆翠巔風浪起
時揮慧劍玄波澄處採金蓮蛟龍降去商宮
卧猛虎擒來坎户眠二物定閑人事盡功圓
行滿產胎仙

又

為慕仙源景物長滌除靈地布瓊芳南宮赤

子居涼殿北海鳥龜住絳房清靜洞中囚白
虎無為山上牧青羊自從鼎內雲收後常飲
醍醐卧醉鄉

又

寂寥瀟灑道家守弱隨緣度歲華與冷蟲
衣唯紙布充飢淡飯有蒼苔忘言淡薄人情
遠絕慮幽閑道況賒着總裏兒名利者限臨
猛悟悔如麻

又

天機深遠少人知一粒刀圭午上持霧捲古
潭秋靜夜雲收碧嶂月明時蛟龍捉得囚
鼎猛虎擒來鍊坎池煉就仙丹趁造化去奔
蓬島禮真師

又

瑟瑟飄飄風入松遊物外與仙同性如朗
月流青漢心似閑雲任碧空猛虎擒來囚坎
戶蛟龍降去鍊高宮周天頻起金剛焰鍛鍊
爐中一粒紅

又

光明一點照樓臺了了無生絕去來七寶山

頭紅焰滅三官靈地白蓮開煙霞紫府應將
到雲路瀛洲去不迴不夜王京誰有分長春
仙子四人陪

又

青蛇三尺袖中携一粒丹砂結正時霧草清
溟囚馬子煙籠碧嶂嶺鍊兒千朝行滿龍投
火九轉功成虎入池奪得虛無真造化天機
深遠少人知

又

慾情巧勝染多言悟此方離種種邊慾斷情
忘通妙理煙消火滅連幽玄口張舌舉功難
就意出心生行怎圓絕了人情無箇事寂寥
孤淡任殘年

又

真功真行密安排十載殺動細細裁俗境心
忘起彼岸凡情意滅到蓬萊地埋寶劍光衝
斗斗隱明珠暗養胎修鍊須憑真造化欲窮
造化鍊心灰

示門人

出得俗家入道家恰如平地步煙霞塵寰物

裏光陰短仙境中日月賒落魄水雲真活
計虛無清靜善生涯常觀無窮人情遠不覺
爐中結大砂

又

守一真持認內閑精勤善行鍊心端玄元有
路非容易方寸無塵也不難十二時中常覺
察三千功裏莫欺謬前程如兔無來去深作
無人無我觀

又

推強挫銳做修行滅我降心斷世情默默琢
磨除俊辨昏昏鍛鍊去程輝無明起處真靈
暗柔弱生時道眼明每與無明經鬪戰一迴
忍是一迴贏

又

滅惡除情作善良好將名利兩俱忘山頭澄
殺無明火靈室常添般若香塵垢盡除明鏡
現荒蕪如去王蓮芳修行莫厭華胥遠了了
虛空路不長

又

修行須要認靈源認出靈源一點鮮情慾永

除起法界癡真誠盡離人天休生顛倒貪諸
有莫起塵心染衆緣空寂性中無罣碍自然
開裏產胎仙

又

虛堂默默養心香便是吾門真道場走入虛
空尋自在撥除煩惱見清涼象德萬坎安爐
竈卦按周天鍊白黃水水綿綿依此做功成
九轉結鉛霜

又

修行休向法中求著法尋求不自由認取自
家心是佛何須向外普週遊靈源慧照塵休
昧應物般般意莫留兩道清風開玉戶一條
銀燒出山頭

自詠

從初割愛做修持守一清貧志不移竹笠羊
皮常伴破毳袋每相隨肥羊細酒全無
愛淡飯殘羹且療飢木碗乞錢新置得衲和
猶是出家時

暢道

雲水遊遊物外仙刀圭一粒斷塵緣真空結

就三田寶妙用圓成五葉蓮火滅煙消因銀
鍊心清意靜為精專道遠放蕩長真子萬里
飄飄般若船

又

雲水逍遙逐處家任他烏兔易年華閑中慧
水添金鼎靜裏靈田種玉芽海底養成紅芍
藥山頭結就白蓮花我今說破起塵實本有
如如即大砂

又

雲水逍遙物外仙閑閑靜靜本來天存心滅
我開金鎖揜意忘情折玉蓮彼岸岸頭樓臺
妙靈山山裏得良緣丹成九轉清風送解纜
飄飄般若船

繼胡子金先生韻

修行非易亦非難薄外願真認內開爐炙火
坑急出離清涼道岸早躋攀常觀無欲通玄
理妙趣虛無絕愛性清淨無為全在志存心
弱固寂家間

寄姚先生

受人欽重是譚哥結罪重重在網羅省過悔

前孽自少知愆不改罪還多心生貪好招災
甚意着浮華積罪過損損存存低下做未知
賢聖肯饒麼

載頭拆字

其一

袍布素理幽機甲金庚鍊玉飛氣相交須換
殼丹運就復更衣開真性頭頭是悟元初種
種非姪處名師叔鈺蓮四朵步雲歸

其二

頭浩浩湧靈泉湛澄澄照上天道要除情與
慾忘境滅積功十分把捉休邪見本元初合
自然鍛鍊成無價室京重會害風仙

其三

兀騰騰任自然中涌出白花蓮朝鍛鍊無窮
空志真修合上天道割除情慾斷刀劈破孽
因緣頭莫向靈源掛結神胎管得先

七言絕句

遊華山

糲食麤衣度歲華白雲高卧隱煙霞心香縹
炷靈源起定觀蓮峯十丈華

在洪門鎮為衆人每日求藥因此作
智術多能巧作愚無為守一養靈珠備然頽
覺塵勞夢獨欲無生酒一壺

詠孤竹

一竿碧玉出芳叢直節虚心東莫同耐雪欺

霜堅歲月自然時復有清風

詠月桂

綠葉柔莖結翠紅精神采采弄晴風歲寒堅
耐同松竹盡占年光造化功

詠鶴

停停獨立對秋風黑白分明造化功休訝得
延千紀壽為他頂上結丹紅

三教

三教由來總一家道禪清靜不相差仲尼百
行通幽理悟者人人踏彩霞

述懷

不會搜空向外尋蛟龍猛虎倒頭擒朝昏懶
慢修香火十二時中只禮心

又

昏昏默默探玄玄清靜無為守自然真性得

凝真氣助無窮變化可冲天

又

我今雲水是前期細細常觀八句詩若要延
齡增壽算金精專固認真慈

又

一月二十九日飲百年三萬六千場世間盡
不聞吾事歸去來兮入醉鄉

又

從前頑惡勢癡癡今日存心望學消十二時
中常覺察知他天地肯相鏡

又

蠟燭燈光焰不知魚食香餌亦如斯城焦魚
爛君知否好向祇園倚一枝

又

驪馬丘劉四箇師逍遙自在做修持周天磨
鍊無窮寶一片靈光自得知

又

古佛靈巖是我家清涼境界絕憂嗟道人活
計無他做唯採三光鍊碧霞

又

如今識破應燈燧愛餌迷魚戲黑波本是一
團腥穢物塗捺摸樣巧成魔

遊懷川

了了心源萬事休此玄玄外更何求便便大
肚應無染且向懷川任意遊

又

為官清政同修道忠孝仁慈勝出家行盡這
般功德路定將歸去步雲霞

又

雲耕寶陸三十里月破黃昏十萬家清夜碧
潭澄皎潔蚌吞銀燧產胎砂

贈張殿試

百歲先陰如閃爍殿勤爭似修仙約假饒一
舉狀元歸正悟黃根夢裏錯

五言律

贈長安趙先生母

牙髮重生黑延齡三事因至誠遵道友精謹
奉高真靜意擒猿馬清心聚氣神處瑞聊拜
上稽首壽長人

勸衆修持

聽我洗心方備然滋味長無無中妙用有有
內含光人被慈情染情生神氣傷人還情慈
斷步步履仙鄉

又
五言絕句

勸衆修持

學道假除假修六七其空錄空本源歸十三一處明月
與清風

又

酒色財氣盡憂愁思慮忘攀緣愛念絕五葉

王蓮芳

又

大道常清靜無為守自然自心不迴轉何處

見言傳

又

獨坐若環養孤清味最甘備然無一事默默

守三三

又

採得波羅藥製成般若茶湯澆清淨水受罷

見黃芽

又

常觀結為世元礫變黃金觀身如糞土明月
照瑤岑

又

心生清爽少語默氣神和清淨消諸孽無為
解衆癡

解衆癡

詠曉雞

啼落城頭月半將日出東妙哉真德行喚覺

夢中翁

戒筆

絕筆塵方盡忘言道可親聲聞真道眼損了

假精神

頌

其一

學道修真與世違孤身飄逸斷蓬飛隨緣且

過消前過視死如歸一不歸垢面蓬頭權壯

銳麤衣淡飯遠輕肥常清常淨無為作十二

時中暗察思

其二

把捉詢予付少言本來無法可相傳是非絕
盡方通妙人我俱忘始悟玄清靜貧閑為伴

侶氣財酒色似雉兔今生若要登雲路不合
虛無不得仙

又

寶殿玲瓏倚碧空端嚴慈像瑞雲龍三千功

裏勤香火十二時中禮聖容真體垢除因銀

鍊靈巖煙散為玄風閑閉鼎內雲收處一粒

丹砂結就紅

又

十年常默然今日露玄機水生赤屬子火養

黑龜兒清風吹徹頂明月照寒溪降魔神劍

親傳得捉住蛟龍把尾提

又

心涼腎熱得修持倍此方知達妙機十二時

中無作用馬猿放蕩損靈芝

又

毛吞大海誰人解芥納須彌十五幾箇知日用居

常知損益功圓行滿見菩提

又

酒色財氣一大關意情滅盡出塵寰絲毫莫
向靈源掛如掛靈源不結丹

六年鍊盡無明火十載修成換骨丹
湛湛虛堂無罣礙已知跳出死生關

又

恰十年來學得癡騰騰兀兀任東西
欲詢風子修行事垢面蓬頭火滅時

又

野鶴孤雲無伴幽玄至妙志談默
昏昏獨守湛然秋月寒潭

贈薛八郎

靈物常閑假身不病清淨自然性
得住命

又

雪山六載面壁九年道非容易成
佛成仙

贈穆先生

太華山陰穆老仙專持清靜探幽玄
修補祇陀無漏園常流慧水溉心田
擒猿縛馬翠峯巔定觀不用買山錢
捨俗投玄心契悟善惡之由夙世
緣心香福炷起靈源杳杳冥冥達
上天秋月碧潭真了了野花啼鳥
護喧喧鼎中火滅開金藥木上無
煙結玉蓮聖功積行

滿三千性圓丹結去朝元

歌

其一 無相

採得玄珠非貨貝靈山一道香煙快
薰成無漏步無生五道霞光攝慧
蓋這靈靈處處在妙用虛空無內外
無有皆空空亦空法相果因俱染愛
種種離超三界覺即如來頓明解
尋文理義護區區說聖談賢選捏
恠不修完無毀壞境滅心志觀自在
恒沙瑩徹則塵埃出入無疑為妙
最獅子兒祇園內怒吼狐狸安敢對
明月堂前玉蕊芳氣盈結就金蓮會
點惺惺枯聰解本來自有何須買
山頭浩浩涌靈泉洗出虛空無證
背過重陽明教誨也無進方也無退
自從入妙認貧閑便知滅了前來
罪絕討論去知解藏伏光輝如暗
昧任他烏兔兩忙忙且這隨緣寄
皮袋

其二 無德

骷髏骷髏顏貌醜只為生前戀花
酒巧笑輕肥取意歡血肉肌膚漸
衰朽漸衰朽尚貪求貪財漏觀不
成收愛慾無涯身有限至今

日作骷髏作骷髏爾聽取七寶人身
非易做須明性命似懸絲等閑莫
逐人情去故將模樣畫呈伊看伊
今日悟不悟

其三 落魄

我落魄我落魄渾身紙布為衣著
擺手行來萬事忘且喜一身空索
索飢時鬼困時睡元初本住清涼
地慧劍輝輝奪日光無限邪魔皆
遠離樂真關成真趣邪運荒涼我
不去真靈剔正漸分明超然走上
煙霞路得真修應了徹實即得時
無可說水晶宮殿鎮安閑勘破春
花與秋月

又

我落魄我落魄納布衲袈裟常
恁着信意飄飄物外遊到處空空
無倚托或居山或城郭不會書符
并背藥飢即巡門覓一錢飽來萬
事齊拈却處閑無用人情細細須
除削龍虎嬰蛇總不能點點醜
常飲酌不做善不生惡坐卧去來
空索索一片清閑冷淡心從他四大
任淪落絕關機無付度不望乘雲
與路鶴逍遙自在趣貧閑贏得隨
緣恁安樂

繼丹陽師叔了馨吟讀

鍾呂海蟾為宗祖繫玉鍾子動金鼓撞透中間一點明跳出靈童當西舞我信喬不是喬喬話其中隱不喬真正言無詭語絕盡塵埃機與慮提離男翠坎女將領黃婆遊淨土住與行坐與睡或披襖或紙被靜靜清常常恁地半如癡半似俏癡俏中間還自曉這般消息少人知一味清虛寂寞宜喜是冥冥是喜顛倒元來我是你千魔萬鍊見元初了了了心方到底

示門人語錄

凡人輪迴生死不停只為有心得山云心生則種種法生心滅則種種法滅若一念不生則脫生死何為有心蓋緣衆生有貪嗔癡三毒孽無明心師父云跳出三山口是也悟人所以修行割情拚愛摧強挫銳降伏除滅衆生不善心要見本來父母未生時真性本來面目是也何為不善心一切境上起無明心怪貪嫉妬財色心種種計較意念生滅不停被此孽障舊來熟境朦昧真源不得解脫要

除滅盡即見自性如何名見自性十二時中念念清靜不被一切虛幻舊愛境界朦昧真源常處如虛空逍遙自在自然神氣交媾沖和修行如了此一事更有何生死可怖更有何罪孽可懼如稍生一念不為清淨即是罣碍不名自在如何到得只要諸公一志如山不動不搖向前去達大魔盡此一身永無迴顧前期必了晉真人云心清意淨天堂之路心荒意亂地獄之門

水雲集卷上

水雲集卷中

崑崙山長真子譚處端述

友八

醉江月

吾門三祖是鍾呂海蟾相傳玄奧師父重陽傳妙語提挈同起三島慢慢搜真靈根固養漸吐黃芽草無中還有慧風時送嘉耗一點瑩徹無窮週遊沙界物物圓明好種種皆空歸本有內外般般顛倒此理幽深清虛縹緲行者人須到昏昏默默暗中賢聖知道

又

自然之道稟根元真正精神圓聚一點靈光無內外明徹輝通玄戶寂淡偏宜貧悶最好物外逍遙處長長不昧湛然神室常住無論妙與難窮須憑慷慨認把元陽固搜取天真勤鍛鍊觸處般般迴顧火裏蓮生山頭焰滅端的緣相遇風仙重會共遊三島雲路

又

一靈真性又因何緣入凡胎塵域迤染浮華貪愛戀展轉昏迷真跡曠劫難逃如今又錯罪孽重重積本來模樣怎生分解尋覓須